

Tuesday, December 23, 2025

Time - 2:30pm - 2:35pm

AKASHVANI AIZAWL
REGIONAL NEWS UNIT
(MIDDAY)



LUNGSEN ABP

NITI Aayog hnuiaia Aspirational Blocks Programme (ABP)-a Lunglei District (Lungsen Aspirational Block) tana Central Prabhari Officer (CPO) tura ruat, Ministry of Mines Deputy Secretary Pi Geetika Sharma chuan nimin khan Lungsen Aspirational Block tlawhin, Block hmasawnna tura hma lakna hrang hrang a enfiah.

Hemi hunah hian Lunglei distrust bawrhsap Pi Navneet Mann chuan Lungsen Aspirational Block dinhmun leh hmalakna hrang hrangte tarlanguin, ABP hnuiaia hma la tha Zone-1 Delta Ranking March 2024-ah Lungsen Block chu pakhatna a nih thu leh cheng vaibelchhe 1 leh nuai 5 dawn a nih thu te, NITI Aayog Best Practice 2025-ah Project BLOOM leh Healthy Lunglei hma lakna chu thlan a nih thu leh National PwD Awards 2025-ah Project LEAP kal tlanga vohbikte tana hma lakna avangin Lunglei District-in "Best District" chawimawina a dawn thu te a sawi a. Lungsen Block hmasawnna atana DC bul tuma hma lakna hrang hrang leh hlawhtlinna te a tarlang bawk.

NITI Aayog ABP hnuiaiah hian Lungsen Block-a zunthlum leh thisen sang endik tura tinzawn endik kim niin, in tinah tui herh haw theihin tap connection vuah kim a ni a. Naupang kum 5 hnuai lama chaw kham khawp hmuh loh vanga harsatna chu za zela 0 point 6-ah tihhniam a ni bawk a. Lungsen Block-a nu leh naupang hriselna leh hmasawnna tura Project BLOOM hnuiaia hma lakna kal tlangin damdawi-ina nau nei March 2024-a za zela 12 point 86 atangin June-July 2025-ah za zela 72 point 2-ah kai chhovin, nau pai tirh thla thum chhunga inziak lut za zela 44 point 23 atangin za zela 70-ah a kai chho va. Nu nau pai tha taka chaw tha dawng za zela 31 point 39 atangin za zela 81 point 9-ah kai chhovin, naupang tha taka chaw tha dawng za zela 15 point 47 atangin za zela 75-ah a kai chho va; hri danna (vaccine) pek pawh za zela 63 point 8 atangin za zela 88 point 9-ah a kai chho bawk.

Vohbikte tana Project LEAP hnuiaia hma laknaah vohbik (PwD) 1,414 chhinchhiah niin, health assessment camp hrang hrang kal tlangin vohbik 1,091 hnenah UDID pek a nih bakah, ALIMCO nen tang kawpin June 2025 khan vohbikte tanpuina hmanraw chi hrang hrang Mizorama ni khat thil thu a sem chhuah tam ber ni turin hmanrua cheng nuai 52 hu chu mi 741 hnenah sem chhuah a ni bawk a. Rilru, taksa leh nunphung hrisel nei tura Healthy Lunglei District Campaign hnuiaia hma laknaah camp 40 chuang buatsaih niin, mi 2,000 chuang zirtirna pek leh an hriselna en dik a ni a. Mizorama a hmasa ber atan a thlawna hriselna endikna khawl Health ATM chu Civil Hospital Lunglei leh PHC Lungsenah te bun niin, vangsang chanchin zirna Cosmic Class (Astronomy Lab) chu Mizorama a hmasa ber atan Lunglei, Lungsen leh Tlabungah te bun a ni bawk a. Hun laklawha zirna bansan zirlaite'n lehkhah an zir leh theihna tura Learning Bridges Programme hnuiaia hma laknaah Lungsen zirlai 32 hmuh chhuah niin, zirna an chhunzawm leh theih na'n hma lak a ni a. Book Nest Initiative hnuiaia Lungsen Block-a zirlaite tana zirlaibu leh lehkhahu

hlui 11,474 khawn khawm chu sikul 61-ah sem niin, zirlaite'n English bulthut an thiam theih English Language Foundation (ELF) hnuaiah hma lak a ni baw k a. Period Pride, Money-Wise, Be DC/BDO for a Day leh I Kawtkaiah Sawrkar (Prashasan Gaon Ki Ore) kal tlang te'n kawng hrang hrangin hma lak a ni baw k a ni.



OPERATION JERICHO

Home Minister Pu K Sapdanga leh Excise and Narcotics Minister Pu Lalnghinglova Hmar hoin nimin khan Central YMA hotute leh sorkar mi pawimawhte'n Mizorama ruihhlo do kalpui dan tur an sawiho a, Myanmar ramri a ruihhlo do beihpui neih m  k 'Operation Jericho' chu March 2026 thleng kalpui zel ni se, tiin an rel.

Home Minister Pu K Sapdanga chuan, Mizorama ruihhlo do runpuikalpui mekin rah   a a chhuah tih report hrang hrang an dawng khawm chu lawmawm a tih thu a sawi a, chutih laiin a la taw k lo hle a ni a ti. Ramri a ruihhlo do runpui kalpui mek chu pawhsei zel hi a   ul a ni a ti a. Ruihhlo do kawnga Central YMA hnathawh chu lawmawm a tih thu a sawi rualin Police leh Excise lam thawhrimna fakawm a tih thu a sawi. Excise Minister Pu Lalnghinglova Hmar chuan ruihhlo do beihpui thlak a nih hnua h tunlai hian Aizawl khawpuiah Heroin man a to hle tih sawiin, Ruihhlo a vang tak tak em tih finfiah theih ni lo mah se ruihhlo man a sang hian a vang tih a entirah an ngaih thu a sawi a. Hemi kawnga sorkar leh YMA thawhhona chu lawmawm a tih thu a sawi a, Operation Jericho neih a nih hnua h ruihhlo lo luhna pawh a inthlak a, hna a pun belh zel tih a sawi.



NO VEHICLE ZONE

Vawiin leh naktuk bakah December ni 31 khian Aizawl khawpui chhunga lirthei luh phal lohna hmun siam a ni leh dawn.

Hemi avang hian Chanmari leh Zodin Square inkarah zing dar 10:30 a  anga tlai dar 4:30 chhungin lirthei eng mah (Thirsakawr leh Nawrlirh huamin) tlan phal a ni lova. Chanmari leh Zodin Square inkarah lirthei engmah ‘No Vehicle Day’ hman a nih lai chuan dah phal a ni lo baw k a ni.

